

**Champ prof. 20**  
Cultura

## Activitads

**Schurnalistas e schurnalist selecziuneschan infurmaziuns, interpreteschan quellas e scrivan surlonder artitgels, commentaris e reportaschas u creeschan contribuziuns da radio e da televisiun.**

Ils accents principals da la lavur schurnalistica pon variar, tut tenor il medium, la grondezza da l'interpresa e la funcziun. La basa fundamentala da quest'activitad resta però da retschertgar e da transmitter infurmaziuns ad in public definì resp. da render accessiblas infurmaziuns relevantas ch'èn d'interess per la publicitad.

A las sedutas da redacziun ch'han lieu mintga di sa reunescha l'entira equipa redacziunala per discutir ils temas che s'imponan per la proxima ediziun sin fundament d'eveniments actuals. Alura vegn decidì tgi che scriva sur da tge. Las schurnalistas ed ils schurnalists procuran per las infurmaziuns davart lur tema, fan retschertgas e cumenzan alura – savens sut grond squitsch – a scriver l'artitgel resp. a concepir la contribuziun da radio u da televisiun, tegnend adina en egl il public en mira. Il tema duai vegnir intermedià uschia ch'el è chapibel per quel.

Las qualitäts che characteriseschan in bun schurnalist/ina buna schurnalista èn sias mirveglias, sia persistenza, in'abilitad da communitgar extraordinaria ed ina gronda cumpetenzza linguistica. El/ella sto discurre cun la glied ed era ristgar da far dumondas malempernaivlas per vegnir tar sias infurmaziuns. Quai pretenda ina vasta savida generala e tut tenor il ressort era conuschientschas spezialas pli profundas.

La lavur schurnalistica includa betg mo scriver artitgels, reportaschas u commentaris, mabain era rediger annunzias d'agentura e texts da correspondentas u da collavuratur libers. Quests texts vegnan elavurads, curregids e, sche necessari, scursanids.

Schurnalistas e schurnalista da radio e da televisiun èn per il solit era responsabels per il material illustrativ resp. il material da tun che vegn registrà ensemen cun ina squadra al lieu. Las contribuziun duain esser d'auta qualidad infurmativa, redigidas a moda precisa ed attractiva cun in'entschatta adattada ed ina buna fin.

Schurnalistas e schurnalists èn conscients da lur responsabladad visavi la publicitad. Els adempleschan d'ina vart in duair d'infurmaziun e ston da l'autra vart pudair responsar l'infurmaziun visavi la societad. Las normas etic-professionalas dal Cussegl da pressa svizzer furman ina basa essenziala per lur activitad.

## Scolaziun

### Pussaivladads da scolaziun

- ZHAW, Winterthur: grad universitar bachelor
- SAL, Zürich: scolaziun da diplom
- MAZ, Lucerna: scolaziun da diplom
- Scola da schurnalisse Ringier: voluntariats e curs
- HTW Cuira: scolaziun da certificat  
La furmaziun scolara vegn per regla cumplettada entras in praticum en ina redacziun.

### Stages/voluntariats

Radio e televisiun svizra SRG scriva or mintga dus onns 12 plazzas da stage trimedialas (radio, TV, online), Radiotelevision svizra runantscha 2. Durant dus onns vegnan ils stagiaires introducids en la lavur pratica dal schurnalisse. Emmetturs privats da radio e da televisiun infurmeschan davart lur atgnas modalitads da scolaziun.

### Durada

- ZHAW: 3 onns temp cumplain
- SAL: 3 fin 4 onns temp cumplain (temp parzial era pussaivel)
- MAZ: 2 onns accompagnond
- Ringier: 1 onn temp cumplain
- HTW Cuira: 1 onn accompagnond

### Autras scolaziuns e curs

- Medienschule Nordwestschweiz
- Medienschule St.Gallen
- EB Zürich
- Klipp & Klang Radioschule

### Finizium

- ZHAW: "Bachelor of Arts ZFH in Kommunikation"
- SAL: staatlich anerkanntes Diplom
- MAZ: Diplom
- Ringier: Diplom
- HTW Chur: Zertifikat

**Premissas**

- ZHAW: scolaziun da basa terminada cun maturitad professiunala u maturitad spezialisada, maturitad gimnasiala u scolaziun equivalenta ed almain 1 onn experientscha pratica en la professiun
- SAL: scolaziun professiunala da basa terminada u outra scolaziun sin stgalim secundar II, vegliadetgna minimala 18 onns
- MAZ: maturitad professiunala, spezialisada u gimnasiala, u scolaziun equivalenta terminada, ina piazza tar in'interpresa da las medias ed examen d'admissiun reussì
- HTW Cuir: furmaziun professiunala da basa terminada ed enconuschentschas commensuradas dal tudestg

Entrada en la professiun sur la pratica:  
Per practicums, stages u voluntariats vegn per regla pretendì in studi universitar terminà (scol'auta spezialisada u universitad).

**Perfecziunament****Curs**

Purschidas d'associazions professiunalas e scolas da las medias, p.ex. MAZ, ZHAW, SAL e d'autras instituziuns da scolaziun

**Scol'auta spezial. (master)**

Studis en direcziuns spezializadas parentadas, p.ex.. Master of Arts (FH) in Art Education, approfondaziun en "publitgar ed intermediar"

**Universitad (master)**

per absolvents ed absolventas da l'universitad e da scolas autas spezializadas. Davart l'admissiun (cun bachelor FH) infurmeschan las universitads. Quellas pon pretender prestaziuns supplementaras.

**Studi da diplom supplementar**

Purschidas da scolas autas spezializadas (Certificate of Advanced Studies CAS, Diploma of Advanced Studies DAS e Master of Advanced Studies MAS).

**Relaziuns da lavur**

La professiun pretenda ina gronda capacitad da supportar squitsch - temps da lavur irregulars fan part dal mintgadi professiunala. Savens vegn era prestà servetsch da la saira e da la fin d'emna. Cumpareglia cun autras professiuns cun pretensiuns da qualificaziun sumegliantas è il gudogn plitost bass. Suentar dus onns experientschas professiunalas pon schurnalistas e schurnalist candidar per l'admissiun en il register professiunala RP (carta da pressa).

**Ulteriuras infurmaziuns**

impresum - Die Schweizer Journalist/innen  
1701 Freiburg  
www.impresum.ch

ZHAW Zürcher Hochschule für Angewandte Wissenschaften  
8401 Winterthur  
www.linguistik.zhaw.ch

Schule für Angewandte Linguistik SAL  
8006 Zürich  
www.sal.ch

MAZ - Die Schweizer Journalistenschule  
6003 Luzern  
www.maz.ch

Ringier AG  
8008 Zürich  
www.ringier.ch

HTW Chur  
7000 Chur  
www.imkchur.ch

Infurmaziuns generalas:  
www.berufsberatung.ch

**Professiuns parentadas**

Champ professiunala/SD

Autor(a) FH (BA)	20	0.811.29.0
Communicatur/a FH (BA/BSc)	20	0.811.25.0
Moderatur/a tar radio e televisiun	20	0.814.47.0